

ESTATUTOS

ESTATUTOS DA CIG- SAÚDE

(aprobados no IV Congreso, celebrado en Mondoñedo o 25 e 26/03/06)

CAPITULO I

DEFINICION, AMBITO E OBXECTIVOS

Art.1.-

A Federación CIG-Saúde, é unha Organización Sindical integrada na Confederación Intersindical Galega (CIG) o seu funcionamento dentro da CIG rexese polos estatutos desta, salvo nos casos que se regulan nos presentes estatutos.

Art.2.-

A CIG-Saúde ten por ámbito territorial o de Galiza poden formar parte dela todas/os as/os traballadoras/es que presten, prestan ou orienten a súa profesión a desempeñar os seus servizos nunha empresa pública ou privada, adicada a actividade sanitaria. Incluindo as/os traballadoras/es que traballen fora de Galiza.

Art.3.-

A CIG-Saúde constituíase por tempo indefinido, e só poderá disolverse por acordo adoptado según os preceptos legais aplicables e co procedemento contido nestes estatutos así como nos da CIG.

Art.4.-

A CIG-Saúde goza de capacidade xurídica propia e de plena capacidade de obrar, necesarias para o cumprimento dos seus obxectivos, dentro do seu ámbito e con respecto das disposicións concordantes dos estatutos da CIG, deste estatuto, e acordos adoptados nos seus congresos e nas resolucións dos órganos de goberno regulados nestes estatutos.

Art.5.-

A CIG-Saúde ten como única lingua a galega, defendendoa como única lingua oficial de Galiza e asumindo o compromiso de contribuir a súa normalización.

Art.6.-

A CIG-Saúde establece o seu domicilio social en Vigo, na Avenida Gregorio Espino, 47 entrechán; podendo o seu Consello Federal acordar o cambio do mesmo.

Art.7.-

A CIG-Saúde adopta como propios os fins e obxectivos aprobados pola CIG, así como os seguintes específicos:

- a) A defensa do dereito á protección e promoción da saúde integral das/os galegas/os.

- b) A defensa do carácter de servizo público da atención de saúde, e por tanto a consolidación dun sistema sanitario público, universal, gratuito e de calidade.
- c) A loita contra o corporativismo e a integración dos lexítimos intereses particulares dos diferentes colectivos nunha concepción sindical global, de clase, e unha acción común.
- d) A organización, o asesoramento e a defensa das condicións laborais, profesionais e sociais das/os traballadoras/es do sector sanitario alí onde estean.

CAPITULO II

AFILIACION

Art.8.-

Poderan afiliarse a CIG-Saúde todas/os as/os traballadoras/es que presten, prestan ou orienten a súa profesión a desempeñar os seus servizos nunha empresa pública ou privada, adicada a actividade sanitaria. Incluindo as/os traballadoras/es que traballen fora de Galiza.

Art.9.-

A afiliación é individual e voluntaria, tendo como requisito a aceptación dos presentes estatutos e os da CIG, e respecto dos principios e obxectivos, sen que poida existir discriminación por razóns de idade, sexo, ideoloxía, orixe, relixión, pensamento ou afiliación política.

Art.10.-

A condición de afiliada ou afiliado produce efectos dende o día seguinte ao da formalización da ficha de afiliación, que se entenderá realizada no mesmo momento da asignación dun número de afiliación, aínda que o exercicio dos dereitos de acceso aos servizos técnicos e de participación en eleccións internas non se poderá reclamar até que transcorran tres meses desde aquela data e se satisfagan as cuotas correspondentes. Todas/os as/os afiliadas/os da CIG-Saúde teñen os mesmos dereitos e as mesmas obrigas, coincidentes coa regulamentación dos estatutos da CIG, e estatuto, regulamento e programa da CIG-Saúde.

Art. 11.-

A aliada ou afiliado perderá a súa condición polos seguintes motivos:

- a) A petición propia
- b) Por non aboar a cuota nos tres primeiros meses desde a formalización da ficha de afiliación.
- c) Por non aboar a cuota durante seis meses sen alegación dunha causa xustificada; neste caso poderá producirse o reingreso sen perda dos dereitos de antigüidade tras o pagamento previo das cuotas que se deban e sempre que non transcorresen máis de doce meses.
- d) Por deixar de reunir as condicións requiridas nestes estatutos para poder participar na CIG-Saúde

e) Por suspensión definitiva dos dereitos como afiliada ou afiliado, en resolución validamente adoptada polo organismo competente de conformidade con estes estatutos.

Art.12.-

A CIG-Saúde adopta como rexime propio de garantías e sancións o regulado polas disposicións aplicables dos Estatutos da CIG. Neste sentido o expediente será instruído polo organismo de maior rango o que estea adscrito o afiliado ou afiliada. A adopción de sancións contra unha/ un afiliada/o da CIG-Saúde resolverase polo Consello Federal a proposta da estrutura orgánica sectorial a que pertenceza.

Art.13.-

A CIG-Saúde regularase polo réxime de incompatibilidades dos Estatutos da CIG.

CAPITULO III

ÁMBITOS DE ORGANIZACIÓN

Art.14.-

Territorialmente a CIG-Saúde organizase en estruturas Comarcais e Locais, seguindo criterios de afinidade xeográfica e operatividade sindical.

Art.15.-

A Unión Comarcal está formada polo conxunto da afiliación da CIG-Saúde nunha Comarca, a estes efectos consideranse comarcas as seguintes: Vigo, Santiago, A Coruña, Ferrol, Lugo, Ourense, Pontevedra e Mariña.

Art.16.-

A Unión Local está formada polo conxunto da afiliación da CIG-Saúde na Localidade.

1.- A CIG-Saúde poderase constituir en Unión Local, sempre que estas o consideren conveniente, e reúnan un número de afiliados superior a 50, e así o aprobe o Consello Federal, previo acordo nos órganos de dirección da Comarca respectiva.

2.- Así mesmo e por decisión do Consello Federal podran constituírse as novas Unións Locais que por criterio sindical se precisen, aínda que non reúnan as condicións anteditas.

Art.17.-

O órgano sectorial da CIG-Saúde organízase e coordínase nas seguintes equipas de traballo: Especializada, Primaria, Fundacións, Sanidade Privada e Colectivo de traballadoras/es en Paro. Son competencias destas equipas o seu funcionamento, composición orgánica e negociación. A acción sindical e a representación institucional son competencia da CIG-Saúde

Art.18.-

1.- A estrutura organizativa básica da CIG-Saúde son as Seccións Sindicais de centro, formadas polo conxunto da afiliación de cada centro ou empresa da sanidade.

2.- Son competencias da Sección Sindical:

- a) Desenvolver a política sindical para o ámbito da empresa ou centro de traballo en que se constituíe, sen contradecir a da CIG nin a da CIG-Saúde.
- b) Elexir as/os representantes que correspondan para os órganos da CIG-Saúde da Comarca.
- c) Elexir as/os representantes para os órganos colexiados que correspondan na empresa ou centro de traballo, cando o ámbito dos mesmo non exceda o da sección sindical.
- d) Facer seguimento e análise da evolución da afiliación no seu ámbito.
- e) Aprobar as candidaturas a presentar pola CIG-Saúde na súa empresa ou centro de traballo, si ben cando o ámbito electoral afecta a varias seccións sindicais, esa aprobación deberá facerse por acordo entre as mesmas ou no seu defecto polo Consello Comarcal que terá que ter en conta a representación en proporción a afiliación.
- f) Elexir unha/un responsable de Saúde Laboral, dentro da Sección Sindical, que poderá, aínda que non será necesario, ser membro da Xunta de Persoal ou Comités de Empresa ou Delegada/o de Prevención.

CAPITULO IV

DOS ÓRGANOS DE GOVERNO

Art.19.-

1.-Son órganos nacionais de goberno da CIG-Saúde:

- a) O Congreso
- b) O Consello Federal
- c) A Executiva Federal

2.- Son órganos comarcais de goberno da CIG-Saúde:

- a) A Asemblea Comarcal
- b) O Consello Comarcal
- c) Executiva Comarcal

3.- Son órganos locais de goberno da CIG-Saúde:

- a) A Asemblea Local
- b) O Consello Local

3.- É órgano unipersoal da CIG-Saúde:

- a) A Secretaría Nacional
- b) A Secretaría Comarcal
- c) A Secretaría Local

Ámbito Nacional

Art.20.-

O Congreso é o órgano soberano da CIG-Saúde, e os seus acordos, validamente adoptados, son de obrigado cumprimento para o conxunto da afiliación e estrutura da CIG-Saúde. Estará composto por un número total de delegadas/os a determinar polo Consello Federal na convocatoria, cos seguintes criterios:

- 1.- Son membros natos as/os compoñentes do Consello Federal.
- 2.- O resto serán elixidas/os polas Comarcas e Localidades seguindo criterios de proporcionalidade.

Art.21.-

- a) O Congreso ordinario da CIG-Saúde será convocado polo Consello Federal unha vez cada catro anos. A convocatoria farase con catro meses de antelación, como mínimo.
- b) O Consello Federal aprobará un regulamento precongresual, elaborará unha proposta de regulamento para as sesións do Congreso e designará as comisións encargadas para a redacción de ponencias.

Art.22.-

Son competencias do Congreso ordinario:

- a) Aprobar e modificar os Estatutos da CIG-Saúde.
- b) Definir os programas e os planos xerais da política sindical da CIG-Saúde.
- c) Elexir a 7 membros da executiva e entre eles a Secretaria ou Secretario Nacional.
- d) Aprobar a xestión económica e liquidación de contas.
- e) Analizar a xestión dos órganos de goberno nacionais.
- f) Calquera outras atribuídas polos Estatutos, os Regulamentos ou os Acordos dos órganos da CIG-Saúde.

Art.23.-

O Congreso extraordinario será convocado a petición 1/3 da afiliación ou de 2/3 do Consello Federal da CIG-Saúde. O prazo entre a solicitude e a celebración do Congreso extraordinario non poderá exceder de 4 meses. A convocatoria celebrarase por escrito cunha antelación mínima de 2 meses. O Congreso extraordinario só poderá tratar e pronunciarse sobre os asuntos obxecto da convocatoria.

Art.24.-

O período congresual e as sesións do Congreso axustaranse o regulamento aprobado polo Consello Federal, que deberá ser ratificado polo Congreso como primeiro punto da orde do día. Das sesións do Congreso levantarase actas e os seus acordos serán públicos para o coñecemento de toda a afiliación.

Art.25.-

O Consello Federal é o órgano máximo de dirección da CIG-Saúde entre Congressos. Está formado por:

- a) A executiva federal
- b) Secretaria/o das Unións Comarcais
- c) Secretaria/o das Unións Locais constituídas
- d) Un por cada 100 afiliadas/os ou fracción superior a 50 por Comarca

- e) Poderán asistir igualmente ás sesións do Consello Federal, con voz pero sen voto, aquelas/es afiliadas/os que sexan convidadas/os polos órganos de goberno comarcais en función da súa actividade sindical. En todo caso, o Consello Federal poderá acordar a celebración de sesións pechadas cando así o estime necesario.

Art.26.-

O Consello Federal acordará cando así o considere oportuno a constitución de Comisións Nacionais abertas para traballos específicos, ou comisións de colectivos profesionais, que actuaran como órganos consultivos e de asesoramento do mesmo.

Estas comisións non terán consideración de órganos de goberno da CIG, é serán disoltas ben cando rematen as tarefas polas que foron constituídas, ou por decisión do Consello Federal da CIG-SAUDE.

Estas Comisións terán as funcións de organización e participación descritas nos regulamentos establecidos na súa creación.

Art.27.-

O Consello Federal reunirse ordinariamente cada 2 meses, sendo convocada pola/o Secretaria/o Xeral cunha antelación mínima de sete días. Reunirse extraordinariamente cando o solicite 1/3 dos seus membros ou por decisión da executiva federal.

Art.28.-

Son competencias do Consello Federal:

- a) Aprobar o seu regulamento de funcionamento.
- b) Convocar o Congreso e aprobar o regulamento para o periodo precongresual, tendo este último que contar co acordo de 2/3 dos membros asistentes
- c) Elaborar o regulamento do Congreso e cantas propostas, informes ou ponencias se estime oportuno someter a aprobación do Congreso.
- d) Aprobar o presuposto, facendo seguimento da súa execución.
- e) Coñecer os acordos anuais de fixación de cuota xeral adoptados polo Consello Confederal da CIG.
- f) Planificación e seguimento da acción sindical do conxunto da CIG-Saúde
- g) Decidir sobre a firma de convenios ou acordos da CIG-Saúde con outras organizacións.
- h) Designar as persoas que representen a CIG-Saúde nos órganos nacionais da CIG.
- i) Designar as persoas que representen a CIG-Saúde nos organismos institucionais de ámbito galego, estatal e internacional.
- l) Aprobar a constitución de novas unións locais.
- m) Adoptar resolucións de urxencia sen contradecir os acordos do Congreso, dando conta delo na primeira sesión que este celebre.
- n) Calquera outra competencia expresamente atribuída o Consello Federal nos presentes Estatutos.
- ñ) Ratificar as responsabilidades na executiva Federal.
- o) Xestión de recursos humanos e materiais na CIG-Saúde.
- p) Designar as/os representantes da CIG-Saúde na Comisión da Área Pública da CIG.
- q) Aprobar o regulamento da Comisión da Área Pública da CIG.
- r) Deberá decidir por maioría de 2/3 a substitución ata a realización do seguinte Congreso en caso de resultar vacantes os cargos de Secretaria/o Xeral ou calquera membro da executiva.
- s) Decidir sobre acordos de Ambito nacional coa Administración ou as empresas, para aquelas custións que teñan unha repercusión importante para as/os traballadoras/es, terase en conta o criterio de todos os órganos da CIG-Saúde.

- t) O Consello Federal garantizará os prazos das convocatorias ordinarias ou extraordinarias das Asembleas e de ser necesario tutelaré o proceso.
- u) Constituirase un grupo de traballo con responsabilidade sobre a sanidade privada.
- v) Facer seguimento das EE.SS a nivel nacional e aprobar a campaña nacional.
- w) Aprobar as campaña de afiliación nacional e facer seguimento da evolución a nivel nacional.

Art.29.-

O mandato das/os membros do Consello Federal será de catro anos.

Art.30.-

A Executiva Federal é o órgano permanente de goberno e administración da CIG-Saúde, estará composta pola/o Secretaria/o Xeral e seis membros eleixidas/os en Congreso. Entre elas e eles distribuiranse as diferentes áreas de traballo que se consideren precisas, determinándose o menos as responsabilidades sobre: organización, finanzas, acción sindical, política sanitaria, saúde laboral, formación e prensa e publicacións e sanidade privada.

Art.31.-

A Executiva Federal reunirase cada 15 días, ou cando sexa convocado pola/o Secretaria/o Xeral ou a instancia de 1/3 das/os suas/seus membros.

Art.32.-

1.- A Executiva Federal exercerá mancomunadamente a representación xurídica, económica e legal da CIG-Saúde, podendo delegar na/o Secretaria/o Xeral, na súa ausencia en calquera outra/o membro, estas facultades para os únicos efectos de otorgamento de poderes.

2.- Son ademáis competencias da Executiva Federal:

- a) Aprobar o seu regulamento de funcionamento.
- b) Representar a CIG-Saúde entre sesións do Consello Federal.
- c) Coordinar a actividade sindical das Unións Comarcais e dos distintos sectores e impulsar a organización da CIG-Saúde a todos os niveis.
- d) Coñecer a marcha dos procesos de negociación nos sectores e dos conflitos de maior transcendencia.
- e) Elaborar os presupostos e xestionar a súa execución.
- f) Presentar informe da súa xestión ó Congreso.
- g) Propor a creación de Comisións para o estudo de temas específicos.
- h) Dirixir as actividades informativas, técnicas e de asesoramento.
- i) Decidir sobre cuestións urxentes entre reunións do Consello Federal.
- l) Calquera outra que lle sexa expresamente delegada polo Consello Federal.
- m) Diseñar a cmpaña nacional das EE.SS., e presentala ao Consello Federal para a súa aprobación
- n) Diseñar as campañas nacionais de Afiliación e presentalas ao Consello Federal para a súa aprobación.

Art.33.-

A /O Secretaria/o é o cargo unipersoal da CIG-Saúde, eleixido en Congreso; é a máxima representación pública da CIG-Saúde, preside os organismos nacionais da mesma. Asume a representación institucional da CIG-Saúde e asina conxuntamente coa/o secretaria/o de finanzas da CIG-Saúde as contas nacionais.

Ámbito Comarcal

Art.34.-

A Asemblea Comarcal é o órgano máximo da CIG-Saúde en cada Unión Comarcal, está constituída por toda a afiliación na Comarca, que contén cunha antigüidade mínima de tres meses. Naquelas Comarcas que contén cunha afiliación superior a 500 persoas afiliadas, o Consello Comarcal pode determinar a súa constituición por delegados/as (que será como mínimo de 100 persoas, agás dos membros natos); de acordo coa seguinte distribución:

- Son Delegados/as natos os membros do Consello Comarcal
- Os/as restantes, deica o número total acordado, serán elixidos/as polas Seccións Sindicais.

O fin de determinar o número de Delegados/as, o Consello Comarcal fará un reparto inicial proporcional a afiliación do número que lle corresponde a cada Sección Sindical. Terán dereito a elixir Delegados/as as Seccións Sindicais con fraccións igual ou maior de 1,00. As Seccións Sindicais que non teñan dereito a 1,00 Delegado/a, agruparanse todas elas para elixir en común os/as que lle correspondan.

Aquelas Seccións Sindicais que tendo dereito a elixir delegados/as optan por non facelo, eses/as delegados/as decaen, non podendo ser eleitos pola asemblea común, nen participar nela os/as afiliados/as pertencentes a estas Seccións Sindicais. Igual criterio será aplicabel para aquelas Seccións Sindicais que non elixan todos/as os/as delegados/as a que teñen dereito.

Cada persoa afiliada só poderá participar nunha asemblea.

Art.35.-

A Asemblea Comarcal reunirse con carácter ordinario, unha vez cada catro anos, debendo ser convocada polo Consello Comarcal da CIG-Saúde cunha antelación mínima de 1 mes.. Extraordinariamente reunirse cando o solicite 1/3 da afiliación ou 2/3 do Consello Comarcal.

Art.36.-

Son funcións da Asemblea Comarcal:

- a) Elixir a/o Secretaria/o Comarcal, as/os restantes membros do Consello Comarcal (entre 5 e 7), ou a Executiva Comarcal dacordo co establecido no artigo 39.bis, e os correspondentes membros do Consello Federal.
- b) Analizar e avaliar a xestión do Consello Comarcal.
- c) Elixir as/os representantes da CIG-Saúde para a Dirección Comarcal da CIG.
- d) Debater e resolver aquelas cuestións que afecten o conxunto da CIG-Saúde no seu ámbito.

Art.37.-

O Consello Comarcal é o órgano de dirección da Comarca entre Asembleas tendo a seguinte composición:

- 1.-Pola Executiva Comarcal, donde estea constituída. De non estar constituída estarase o disposto no artigo 36.a)
- 2.- Unha ou un representante de cada Sección Sindical constituída.
- 3.- Unha ou un máis por cada 50 afiliadas/os ou fracción superior a 25 de cada unha das Seccións Sindicais.
- 4.- Poderán asistir igoalmente ás sesións do Consello Comarcal, con voz pero sen voto, aquelas/es afiliadas/os que sexan convidadas/os polos órganos de goberno, en función

da súa actividade sindical. En todo caso, o Consello Comarcal poderá acordar a celebración de sesións pechadas cando así o estime necesario.

5.-Un ou unha representante da negociación colectiva da sanidade privada. De non nomearse, será asumido necesariamente pola persoa que obstente a Secretaria Comarcal.

6.-O Consello Comarcal acordará cando así o considere oportuno a constitución de Comisións Comarcais abertas para traballos específicos, ou comisións de colectivos profesionais, que actuarán como órganos consultivos e de asesoramento do mesmo.

Estas comisións non terán consideración de órganos de goberno da CIG, é serán disoltas ben cando rematen as tarefas polas que foron constituídas, ou por decisión do Consello Comarcal da CIG-SAUDE.

Estas Comisións terán as funcións de organización e participación descritas nos regulamentos establecidos na súa creación.

Art.38.-

O Consello Comarcal reunirse ordinariamente cun mínimo dunha vez o mes, por convocatoria da/o Secretaria/o Comarcal ou a petición de 1/3 das/os suas/seus membros. Dos seus acordos darase publicidade a todas as seccións sindicais constituídas no seu ameto de actuación.

Art.39.-

Son competencias do Consello Comarcal:

1.-:

- a) Aprobar o seu regulamento de funcionamento.
- b) Convocar Asembleas Comarcais.
- c) Distribuir as responsabilidades que no seu seo se consideren necesarias.
- d) Coordinar e dirixir a CIG-Saúde na Comarca, cumprindo as resolucións e os acordos dos órganos nacionais.
- e) Designar a cobertura transitoria das vacantes que se produzan na representación do Consello Federal e nos órganos comarcais da CIG, ate que a Asemblea Comarcal realice unha nova elección.
- e)1 Decidir por maioría de 2/3 a forma de substitución ata a realización da seguinte Asemblea Comarcal en caso de resultar vacante o cargo de Secretario /Secretaria Comarcal
- f) A Designación da representación que corresponda a CIG-Saúde en órganos colexiados institucionais ou sindicais na comarca, cando o seu ámbito exceda dunha sección sindical ou centro de traballo.
- g) Propor o Consello Federal a constitución de Unións Locais.
- h) Aprobar os presupostos e partes de finanzas comarcais.
- i) Realizar un seguimento análise da afiliación na comarca e impulsar a constitución de Seccións Sindicais en todos os centros de traballo nos que a afiliación existente o faga posible, dentro do seu ámbito territorial.
- l) Presentar informe da súa xestión a Asemblea Comarcal
- m) Impulsar a creación de colectivos de paradas/os do sector.
- n) Planificación e seguimento da Acción Sindical da CIG-Saúde na comarca.
- o) Decidir sobre acordos de ámbito comarcal coa Administración ou as empresas; para aquelas cuestións deste ámbito que teñan unha repercusión importante para as/os traballadoras/es, teráse en conta o criterio da Asemblea Comarcal.

- p) Calquera outra que expresamente se lle atribúa.
- q) Planificación e seguimento das EE.SS no seu ámbito territorial.

Art.39.- bis

Executiva Comarcal. Constituirase por acordo de 2/3 dos asistentes a Asemblea Comarcal

Está composto pola/o Secretaria/o Comarcal elixida/o en Asemblea Comarcal e entre 5 e 9 membros elixidas/os na Asemblea Comarcal, que se distribuirán ao menos as responsabilidades de: Finanzas, Acción Sindical e Saúde Laboral e Organización.

Son competencias da Executiva Comarcal:

- a) Organizar e coordinar os servizos na comarca
- b) Elaborar os presupostos e xestionar as finanzas da súa competencia
- c) Executar os acordos do Consello Comarcal
- d) Nomear as secretarías ou responsabilidades
- e) Calquera outra que sexa atribuída por estes estatutos ou as que lle sexan delegadas polo Consello Comarcal.
- f) Aprobado o seu regulamento de funcionamento
- g) Representar a CIG-Saúde entre sesións do Consello Comarcal
- h) Coordinar a actividade sindical das Unions Locais e dos distintos sectores e impulsar a organización da CIG-Saúde a todos os niveis.
- i) Coñecer a marcha dos procesos de negociación nos sectores e dos conflitos de maior trascendencia.
- j) Presentar informe da súa xestión a Asemblea Comarcal
- k) Propor o Consello a creación de Comisións de estudo para temas específicos
- l) Decidir sobre cuestións urxentes entre reunións do Consello Comarcal

A Executiva Comarcal xuntarase cunha periodicidade mínima de unha vez o mes, por convocatoria do Secretario Comarcal ou a instancia de 1/3 dos seus membros

A/O Secretaria/o Comarcal elixida/o en asemblea presidirá o Consello Comarcal e asumirá a representación institucional da CIG-Saúde, no ámbito correspondente.

Ámbito Local

Art.40.-

A Asemblea Local é o órgano máximo da CIG-Saúde en cada Unión Local, está constituída por toda a afiliación da Localidade.

Art.41.-

A Asemblea Local reunirase con carácter ordinario con anterioridade a Asemblea Comarcal. Extraordinariamente reunirase cando o solicite 1/3 da afiliación ou ben por 2/3 do Consello Local.

Art.42.-

Son funcións da Asemblea Local:

- a) Elixir a/o Secretaria/o Local e as/os demais membros do Consello Local.
- b) Analizar a xestión do Consello Local.

c) Debater e resolver aquelas cuestións que afecten o conxunto da CIG-Saúde no seu ámbito.

Art.43.-

O Consello Local é o órgano de dirección da localidade entre Asembleas. Estará composto pola/o Secretaria/o local, elixida/o na Asemblea Local máis unha/un por Sección Sindical constituída e unha/un máis por cada 25 afiliadas/os, cun mínimo de tres membros.

Art.44.-

O Consello Local reunirse ordinariamente cun mínimo dunha vez o mes, será convocado pola/o Secretaria/o Local ou a petición de 1/3 das/os suas/seus membros

Art.45.-

Son competencias do Consello Local:

1.-

- a) Convocar Asembleas Locais
- b) Coordinar e dirixir a CIG-Saúde na Localidade, cumprindo as resolucións das Asembleas Comarcais, Local e os acordos dos órganos nacionais.
- c) Elaborar os presupostos e partes de finanzas locais.
- d) Presentar informe da súa xestión a Asemblea Local.
- e) Decidir sobre acordos de ámbito local coa Administración ou as empresas; para aquelas cuestións deste ámbito que teñan unha repercusión importante para as/os traballadoras/es, terásese en conta o criterio da Asemblea Local.
- f) Aprobar o seu regulamento de funcionamento
- g) Distribuir as responsabilidades que no seu seo se consideren necesarias
- h) Designar a cobertura transitoria das vacantes que se produzan na representación do Consello Comarcal ate que a Asemblea Local realice unha nova elección.
Decidir por maioría de 2/3 a forma de substitución, en caso de quedar vacante o cargo de Secretario/a Local, ata a realización da seguinte Asemblea Local
- i) Realizar un seguimento e análise da afiliación na localidade e impulsar a constitución de Seccións Sindicais en todos os centros de traballo nos que a afiliación existente o faga posible dentro do seu ámbito territorial.
- m) Impulsar na localidade a creación de colectivos de desempregados/as do sector.
- n) Calquera outra que expresamente se lle atribúa.

2.- O Secretario Local elixido en asemblea presidirá o Consello Local e asume a representación institucional da CIG-Saúde, no ámbito correspondente.

CAPITULO V

REXIME ELECTORAL

Art. 46.-

Como norma xeral, os procesos electivos para os órganos e cargos da CIG-Saúde regularáanse polo disposto nestes estatutos. Poderáanse establecer procedementos electorais específicos cando así o prevean os regulamentos que desenvolven estes Estatutos.

Art. 47.-

Todos os cargos da CIG-Saúde proveráanse mediante votación secreta e persoal. En casos determinados poderáse admitir votación a man alzada, cando así o considere unha maioría de dous tercios dos membros asistentes do órgano elector, aínda que ese acordo será ineficaz cando calquera dos membros reclame o exercicio do dereito á votación secreta.

Art. 48.-

A elección de órganos e cargos faráse mediante a presentación de candidaturas en listas pechadas, que deberán conter cando menos o número de persoas de que se compoña o organismo.

E responsabilidade do máximo órgano ou cargo executivo existente no ámbito en que se produce a elección a presentación dunha candidatura.

A composición do órgano elixido resultará da proclamación dos membros de cada lista presentada en proporción directa aos votos acadados.

Art. 49.-

Será en todo caso de aplicación directa o procedemento electoral regulado nos artigos anteriores nas eleccións que correspondan realizar polo Congreso e de forma supletoria para os demais casos

Non obstante, será igualmente obrigado en todos os casos cando se presente polos seus promotores cando menos unha candidatura en lista pechada.

Art. 50.-

Cando por aplicación do previsto no artigo 46 se prevea procedemento electoral específico que implique a posibilidade de presentación de candidaturas abertas, a lista deberá conter cando menos un número de membros igual ao de postos a cubrir e a votación efectúrase na papeleta por un número máximo de candidatas ou candidatos igual ao 75% dos postos a cubrir, resultando proclamadas/os aquelas ou aqueles que obtivesen o maior número de votos; en caso de empate, será proclamada/o a candidata ou candidato con maior antigüidade na afiliación.

Art. 51.-

No caso de listas pechadas, as vacantes que se podan producir serán cubertas pola/o candidata/o seguinte da mesma lista. No caso de listas abertas, pola/o seguinte en número de votos

CAPITULO VI

REXIME ECONÓMICO

Art.52.-

Os recursos económicos da CIG-Saúde están constituídos por:

a) As cuotas de afiliación, coa distribución entre estruturas que aproben os órganos confederais da CIG e, na súa aplicación, os da CIG-Saúde.

- b) As doacións efectuadas o seu favor, así como as subvencións que le poidan ser concedidas.
- c) A participación que corresponda nos ingresos distintos das cuotas dos presupostos confederais da CIG.
- d) Os cretos que poidan ser xestionados.
- e) Calquera outro obtido por actividades lícitas de acordo cos presentes estatutos e os da CIG.

Art.53.-

Os criterios de gasto, serán fixados polo Consello Federal, de acordo co regulamento financeiro da CIG. O réxime de Administración e Contabilidade da CIG-Saúde será común en todos os seus ámbitos; así como os mecanismos que permitan a afiliación coñecer a situación económica da mesma. O Consello Comarcal e Local exercerán funcións homologas no seu ámbito territorial específico.

CAPITULO VII

DISPOSICIONS ADICIONAIS

Primeira.- O Consello Federal poderá aprobar a edición dun voceiro oficial, así como as características do mesmo. Así mesmo poderá aprobar a edición de calquera tipo de publicación, separada ou conxuntamente coa CIG.

Segunda.- A aprobación e modificación dos presentes Estatutos é competencia exclusiva do Congreso da CIG-Saúde e requerirá en primeira votación unha maioría de 2/3 das/os congresistas en votación global, e en segunda votación unha maioría de 2/3 das/os congresistas presentes.

Terceira.- Os aspectos non contemplados nos presentes Estatutos regulanse polo disposto nos Estatutos da CIG.

Cuarta.- A CIG-Saúde integrada como Federación de Sanidade da Confederación Intersindical Galega, só poderá desconfederarse da mesma mediante Congreso Extraordinario convocado ao efecto e por maioría de 2/3.

Quinta.- No caso de disolución, os bens económicos, mobles e inmobles serán doados a CIG, en caso de non existir esta, ao que o Congreso acorde.

Sexto.- O anagrama de CIG-Saúde correspóndese co deseño adxunto, e as súas posibles modificacións, serán igoalmente inscritas no rexistro con carácter de modificación estatutaria.

Septima.- O carnet de afiliación de CIG-Saúde será uniforme para todas/os as/os Afiliadas/os, conforme o modelo aprobado polos órganos da CIG.

Oitava.- Participación da muller

Para que a incorporación das mulleres na composición dos órganos da CIG sexa unha realidade, as distintas candidaturas en calquera dos procesos deberán contemplar na súa composición a proporcionalidade entre afiliados e afiliadas de cada estrutura.